



## Universitätsbibliothek Paderborn

**Doctor Mellifluus S. Bernardus Magnæ Matris Cultor  
Eximus, Et Ex Ordine Sancti Benedicti Sacellanus  
Quartus. Sive Ea quæ Doctor mellifluus de laudibus  
Virginis Matris scripsit in gratiam magnæ ...**

**Bernardus <Claraevallensis>**

**Nevhvsii, MDCLXXV.**

Ex Notis Admodum Reerendi & Eximij Domini Jacobi Merlo-Horstii Ad Hang  
Doctoris Melliflui Epistolam.

**urn:nbn:de:hbz:466:1-37156**

siæ ritum præsumpta novitas, mater temeritatis, soror superstitionis, filia levitatis. Nam si sic videbatur, consulenda erat prius Apostolicæ sedis auctoritas, & non ita præcipitanter atq; inconsultè paucorum sequenda simplicitas imperitorum. Et ante quidem apud aliquos errorem compereram: sed dissimulabam parcens devotioni, quæ de simplici corde & amore Virginis veniebat. Verùm apud sapientes, atque in famola nobilique Ecclesia, & cuius specialiter filius sum, superstitione prehensa, nescio an sine gravi offensa etiam vestri omnium dissimulare potuerim. Quæ autem dixi: absque præjudicio sanè dicta sint sanius sapientis. Romanæ præsertim Ecclesiæ auctorati, atq; examini totum hoc, sicut & cætera quæ ejusmodi sunt universa reservo: ipsius, si quid aliter sapio, paratus judicio emendare.

## EX ROTTIS

Admodum Reverendi &amp; Eximij Domini

**JACOBI MERLO - HORSTII**  
AD HANG  
**DOCTORIS MELLIFLUI**  
E P I S T O L A M.

**Q**uæ à me hactenus allata sunt, non sic velim accipi, quasi immaculatæ Conceptioni me una cum Bernardo coner opponere. Impensè quidem amo Bernardum & doctrinam ejus unicè veneror, ita tamen ut plus Ecclesia auctoritati deferre didicerim (quæ seclusa non agrè fatur, amplecterer, quod Bernardo placuisse) & hoc utique ex doctrina & exemplo Bernardi, qui initio presentis Epistola, agens de festivitatibus Virginis Matris tunc in Ecclesia receptis: Hæc mihi, inquit,

quit, de illa cantat Ecclesia & me eadem docuit decantare. Ego verò quod ab illa accepi, securus & teneo & trado: quod non scrupulosius, fateor, admiserim.

*Quibus verbis attentis, quid vetat Bernardum etiam hodie numerare inter Doctores Immaculatam Virginis Conceptionem defensores? Ita sanè facit Vir ex Ordine Dominicano Doctiss. Ambrosius Catherinus Archiepisc. Compensis lib. 2. de Concept. B. Virg. c. ult. Nempe Bernardus paratus est accipere, imò jam securus tenet ac tradit, non tantum de presenti, sed & futuro, quidquid Romana Ecclesia suscipit & probat. Non enim aliam conditionem ponit, nisi acceptationem, & usum Ecclesia. Hec verò conditio jam à tempore Sixti IV. adimplata est. Ergo ab illo tempore Bernardus de festivitatibus & mysterijs hujus sanctitatis securus est, & pro ipsa stat & subscribit: nec si hodie vivaret, auctoritati Concil. Trident. Sixti IV. Pij V. Alexandri VI. Pauli V. ac Gregorij XV. reluctari velle credendus est, qui se securum scribit, ac securè tenere & tradere, quod ab Ecclesia traditur: Tanti erat Bernardo auctoritas Ecclesiae. Unde & in fine Epistole monet, prius fuisse consulendam Apostolice sedis auctoritatem. Et tandem subiicit: Quæ autem dixi, absque præjudicio sanè dicta sint sanius sapientis. Romanæ præsertim Ecclesiæ auctoritati atque examini totum hoc sicut & cætera, quæ hujusmodi sunt, universa reservo, ipsius, si quid aliter sapio, paratus judicio emendare.*

*Hec benignissima mihi visa est pro Bernardo sententia. Non defunt tamen alij, qui aliter eum interpretari conentur. Nimurum quod redarguat Canonicos, & Conceptionem impugnet, non quidem ex animo, seu quod ita sentiat, sed ut argumentis in contrarium allatis, Canonicos stimulet, & velut ad motis calcaribus impellat, ad querendum de hacre judicium, & assensum seu approbationem Sedis Apostolice, cuius auctoritatem tueri hic præcipue Bernardus studuerit: adeoque nihil magis optaverit, quam ut dicta festivitas decreto Pontificis ap-*

Gg

probata,

probata, ab omnibus per totum Orbem reciperetur. Commoda interpretatio, sed verbis sanè Bernardi minus congrua: quamvis Baroniū de presenti Epistola loquentem ita interpretetur Bivarius, perperam accipiens verba Baronij de Bernardo loquentis: Licet [diversa] senserit. ] videlicet ab his, ait Bivarius, quæ scribebat obstatæ novæ festivitatæ. Cum mens Baronij sit, dicere, Bernardum, licet contrariam immaculata Conceptioni sententiam teneret, scribendo tamen & redargendo Canonicos, hoc effecisse, ut res ad judicium Sedis Apostolice delata, maturius examinaretur; donec tandem dicta festivitas ab Ecclesia approbata ubique coleretur.

*Quis autem credat, Bernardum aliud scripsisse quam senserit, inspectis verbis Epistole? Sanè suam de presenti controversia sententiam satis manifesto promitt. Nempe miratur Lugdunensem temeritatem, quod immemores pristinae maturitatis, discipline & observantiae, novam celebritatem inducant. Et ut multa præteream, hæc verba in fine Epistole, quis dicat esse non scribentis ex animo? Et ante quidem apud aliquos errorem compereram, sed dissimulabam, parcens devotioni, quæ de simplicitate & amore virginis veniebat; verum apud sapientes atque in famosa nobilique Ecclesia, & cuius specialiter filius sum, superstitione deprehensa, nescio an sine gravi offensa etiam vestri omnium dissimulare potuerim.*

*Quis, inquam, credit, hæc verba non esse ex animo loquentis, & factum Canonicorum Lugdunensem serio & severè redarguentis? Nempe errorem antehac compererat apud simpliciores, sed jam ultra dissimulare non potest, quin redarguat in Viris prudentibus, & illustri Ecclesia deprehensam superstitionem. Mibi certè hic, si uspiam alias, videtur loqui ex animo, nec aliud scribere, aliud sentire.*

*Vnde non video, quid opere pretium praefliterint Auctores illi, qui Bernardum ab hac sententia vindicare voluerunt, quam tam expressè tenuit: quæque tum quidem communis & innoxia fuit, neque judicio*

*judicio Ecclesiae improbata. Licet contraria tunc ex devotione, quæ de simplici corde (uti loquitur Bernardus) & amore Virginis veniebat, passim emerget, seque diffunderet, in eam deinceps evasura auctoritatis molem, quam hodie videmus & veneramur.*

Denique, ut huic controversia finem imponamus, quæ fuerit germana Bernardi mens, non licebit certius, quam ex contemporaneis Scriptoribus reprehendere. Nicolaus certè ille Bernardi emulus, de quo supra, non habebat, cur eum impugnaret, & tantopere in eum serviret, si non aliud sentiebat Bernardus, quam posteriorem Conceptionem esse peccati expertem, at non priorem: in eo nimis rum facile utriusque convenisset. Deinde Petrus Cellensis Abbas, demum Episcopus Carnotensis, Bernardi amicus, quorsum tam serio causam Bernardi contra Nicolaum tuendam sumit, nisi ut ostendat, sententiam ejus innoxiam esse, & immerito à Nicolao calumnijs impeditam: at Bernardis sententia quo ad priorem Conceptionem, nonegebatur tam operoso patrocinio: ergo quo ad posteriorem. Sed quia ad presens institutum præclarasunt Petri Abbatis verba, non pigebit hic in gratiam Lectoris recitare ex Epist. ult. lib. 6.

Sed forte dices mihi, ait, audesne tu qualisunque Abbas occludere puteos semper continuandæ devotionis, & profundius quotidie fodiendæ venerationis? Nonne eodem spiritu potantur moderni, quo & antiqui? Nonne, ut ait Hieronymus, in templo Dei quisque pro virili portionem offert, alius aurum, alius argentum, alius lapides pretiosos, alius (ut ad viliora veniamus) pilos caprarum, & cætera? Non erat ab initio Nativitas Virginis in Ecclesia solemnis, sed crescente fidelium devotione, addita est præclaris Ecclesiæ solemnitatibus. Quare igitur non similiter & diem Conceptionis, obtineat sedulitas christianæ devotionis? Ad quod ego: Cataractas cœli, & fontes abyssi libentiū in obsequium Virginis solverem, quam clauderem. Et si Filius ejus Jesus aliquid omisisset in prærogativa

Gg 2

exal-

exaltationis suæ Matri, ego servus, ego mancipium, non quidem de effectu, sed saltem affectu supplicere gestirem. Mallem certè non habere linguam, quam aliquid dicere contra Dominam nostram. Ante eligarem non habere animam, quam vellem ejus extenuare gloriam.

Licuit quoque, semperque licebit, Sponsam Christi Ecclesiam, quæ in terris peregrinatur, secundum mutationes rerum, personarum & temporum, variare rationes decretorum, & nova adinvenire medicamina remediorum, & statuere Sanctis adceptione gloriae frequentiam solemnitatum. Est tamen auro locus in quo conflatur, & habet argentum venarum suarum principia, Sedem Petri, &c. Et paulo post: Nihil in Ecclesia pessimus præsumptione erronea, nihil stultius præsumptione temeraria, nihil odibilius præsumptione noxia. Ut cunque vero tolerabilis præsumptio pia; sed non satis probabilis. Abstine-re certè ab omni præsumptione volo: gradatim tamen servatis distinctionibus præmissis secundum magis & minus. Jam destituisse ultra de praesentis materia scribere, non condemnans errorem tuum, si error dicendus est, qui de pietate venit, nec me opponens glorissimæ Dominae nostræ, cuius non solum terram, sed & pulverem lingere summas delicias reproto: præci-pue cum in calce epistolæ tuæ assertas, nullatenus te posse moveri ab eo quod scripsisti, dicens: quod dixi; dixi, quod scripsi, scripsi: nisi lapidem offensionis & petram scandali in eadem epistola tua conjecisses. Quid vero per petram scandali intelligat, subdit: Petra vero scandali est, quod beatissimum Bernardum debitâ exuis veneratinne, & verborum jacula post eum emittis, tanquam famam eius possis extenuare, vel gloriam evanescere.

F I N I S.

*Collegii fratris Iesu gediborne  
1697.*